

# Službeni glasnik BiH, broj 1/22

Na osnovu člana 2.9 stav (1) tačka 2, člana 2.2 stav (3) i (4) i člana 2.12 stav (2), (3) i (5) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), Centralna izborna komisije Bosne i Hercegovine je na 82. sjednici, održanoj 23.12.2021. godine, donijela

## UPUTSTVO

### O UTVRĐIVANJU KVALIFIKACIJA, BROJU, IMENOVANJU, OBUCI I RAZRJEŠENJU ČLANOVA IZBORNE KOMISIJE OSNOVNE IZBORNE JEDINICE U BOSNI I HERCEGOVINI (PREČIŠĆENI TEKST)

#### POGLAVLJE I. UVODNE NAPOMENE

##### Član 1. (Predmet)

Uputstvom o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini (u daljem tekstu: Uputstvo), utvrđuju se kvalifikacije, broj članova i procedure za imenovanje i razrješenje članova i predsjednika izborne komisije osnovne izborne jedinice u Bosni i Hercegovini (u daljnjem tekstu: izborna komisija), kao i radnje koje se poduzimaju u cilju dobijanja saglasnosti na odluku o imenovanju i razrješenju članova izborne komisije od strane Centralne izborne komisije Bosne i Hercegovine (u daljnjem tekstu: Centralna izborna komisija BiH) i službenoj evidenciji u vezi prisustva obuci članova izborne komisije, s ciljem primjene čl. 2.2 stav (3) i (4), 2.12 stav (2), (3) i (5) Izbornog zakona Bosne i Hercegovine (u daljnjem tekstu: Izborni zakon BiH).

#### POGLAVLJE II. KVALIFIKACIJE

##### Član 2. (Kvalifikacije)

(1) Pored općih uslova propisanih članom 2.2 Izbornog zakona BiH, član izborne komisije mora ispunjavati i posebne uslove:

a) da ima prebivalište u općini za koju se imenuje izborna komisija,

b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i

c) da posjeduje iskustvo u provođenju izbora.

(2) Pod iskustvom u provođenju izbora podrazumijeva se:

a) članstvo u izbornoj komisiji i

b) članstvo u biračkom odboru na izborima obuhvaćenim Izbornim zakonom BiH.

### **Član 3. (Izuzeci u primjeni)**

(1) Izuzetno od odredbe iz člana 2. stav (1) tačka a) ovog Uputstva, u općinama koje imaju do 700 upisanih birača, član izborne komisije može biti lice sa prebivalištem iz druge susjedne općine, ukoliko u općini za koju se imenuje izborna komisija, nema prijavljenih kandidata koji ispunjavaju uslove tražene javnim oglasom, a radi primjene člana 2.14 stav (1) Izbornog zakona BiH, vodeći računa o posljednjem popisu stanovništva.

(2) Izuzetno od odredbe iz člana 2. stav (1) tačka b) ovog Uputstva, član izborne komisije može biti lice koje ima završenu višu školu, odnosno VI stepen stručne spreme ukoliko se radi o općini koja ima manje od 2.000 birača upisanih u Centralni birački spisak ili se radi o ponovnom izboru (reimenovanju) člana izborne komisije odnosno ako je potrebno ispoštovati odredbe člana 2.14 stav (1) Izbornog zakona BiH.

(3) Odredba stava (2) ovog člana, se ne primjenjuje u slučaju imenovanja člana izborne komisije u skladu sa stavom (1) ovog člana.

### **Član 4. (Članstvo u izbornoj komisiji)**

(1) Član izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2 Izbornog zakona BiH, a nemaju smetnji iz člana 2.3 Izbornog zakona BiH.

(2) Za člana izborne komisije ne može biti imenovano lice obuhvaćeno članom 2.3 Izbornog zakona BiH, kao ni lice koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

## **POGLAVLJE III. BROJ ČLANOVA**

### **Član 5. (Broj članova izborne komisije)**

(1) Broj članova izborne komisije odlukom utvrđuje Centralna izborna komisija BiH prema broju birača upisanih u izvodu iz Centralnog biračkog spiska i veličini općine.

(2) Izborna komisija sastoji se od tri člana za općine i gradove u kojima je u izvodu iz Centralnog biračkog spiska upisano do 20.000 birača.

(3) Izborna komisija sastoji se od pet članova za općine i gradove u kojima je u izvodu iz Centralnog biračkog spiska upisano do 50.000 birača.

(4) Izborna komisija sastoji se od sedam članova za općine i gradove u kojima je u izvodu iz Centralnog biračkog spiska upisano preko 50.000 birača.

(5) Izborna komisija Brčko distrikta BiH sastoji se od sedam članova.

#### **Član 6. (Drugi kriteriji)**

(1) Izuzetno od utvrđenih kriterija iz člana 5. stav (2) ovog Uputstva, izborna komisija može brojati pet članova ukoliko se radi o razućdenosti općine ili ako je utvrđeno preko 30 biraćkih mjesta.

(2) Općinsko vijeće odnosno skupština općine, gradsko vijeće odnosno skupština grada upućuje zahtjev za povećanje broja članova izborne komisije iz stava (1) ovog člana, sa obrazloženjem, Centralnoj izbornoj komisiji BiH na saglasnost.

### **POGLAVLJE IV. IMENOVANJE**

#### **Član 7. (Procedure za raspisivanje javnog oglasa)**

U cilju donošenja zakonite odluke, ekonomičnosti postupka i ujednaćenosti propisanih kriterija na državnom nivou, nadležni organ u postupku imenovanja člana izborne komisije postupa na sljedeći način:

a) donosi odluku o objavljivanju javnog oglasa za imenovanje člana (ćlanova) izborne komisije, u skladu sa Izbornim zakonom BiH i propisanim procedurama sadržanim u ovom Uputstvu. Navedenom odlukom se utvrđuje: mjesto oglašavanja internet stranica i mediji (TV, radio, dnevne novine), uslovi koje kandidat mora ispunjavati, rok za podnošenje prijava kandidata, trajanje mandata izabranog člana i sl. Nadležni organ imenuje komisiju za provođenje postupka po javnom oglasu (u daljnjem tekstu: konkursna komisija), u ćijem sastavu obavezno mora biti najmanje jedan ćlan pravne struke i/ili osoba sa izbornim iskustvom;

b) pored općih uslova propisanih zakonom, tekst javnog oglasa iz taćke a) ovog člana, obavezno sadrži i posebne uslove propisane ćl. 2.2, 2.3 i 2.14 Izbornog zakona BiH i ćl. 2, 3. i 4. ovog Uputstva.

#### **Član 8. (Objavljivanje javnog oglasa)**

(1) Javni oglas iz člana 7. ovog Uputstva, objavljuje se u roku od 60 dana prije isteka mandata ćlanova izborne komisije, a u izbornoj godini u roku od 30 dana prije isteka mandata ćlanova izborne komisije.

(2) Prijava na Javni oglas iz stava (1) ovog člana, se podnosi u roku od osam dana od dana objavljivanja.

(3) Prijava na javni oglas iz stava (2) ovog člana sadrži: prijavni obrazac sa kontakt podacima podnosioca

prijave, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa, odnosno dokumente iz člana 13. stav (1) tač. c), d), e), f), g) i h) ovog Uputstva.

**Član 9.**  
**(Klasifikacija kandidata)**

(1) Po zatvaranju javnog oglasa konkursna komisija vrši pregled i klasifikaciju prijava kandidata na one koje ispunjavaju uslove tražene javnim oglasom i na one koji ne ispunjavaju uslove, o čemu sačinjava zapisnik (Prilog 1 Uputstva – Tabela 1 i Tabela 2).

(2) Konkursna komisija je obavezna obavijestiti pisanim putem sve prijavljene kandidate o rezultatima izvršene klasifikacije.

**Član 10.**  
**(Intervju, bodovanje i utvrđivanje rang liste kandidata)**

(1) Konkursna komisija dostavlja pisani poziv kandidatima koji ispunjavaju uslove propisane javnim konkursom koji obavezno sadrži datum i termin zakazanog intervjuja.

(2) Poziv iz stava (1) ovog člana se dostavlja preporučenom poštom, e-mailom ili putem telefaks aparata najkasnije 3 dana prije dana održavanja intervjuja.

(3) Konkursna komisija vodi detaljan zapisnik o intervjuu koji, između ostalog, obavezno sadrži postavljena pitanja i odgovore kandidata, bodovanje i utvrđivanje rang liste kandidata (Prilog 2. i Prilog 3. Uputstva).

(4) Centralna izborna komisija sačinjava listu pitanja iz četiri različite oblasti iz izbornog zakonodavstva i izbornog procesa i to: nadležnosti izbornih komisija i biračkih odbora; provedba izbora i zaštita izbornog prava; planiranje aktivnosti i budžet; Etički kodeks organa za provođenje izbora i poslovnik o radu izbornih komisija. Lista pitanja za intervju sa kandidatima bez odgovora na pitanja, bit će objavljena na internet stranici Centralne izborne komisije Bosne i Hercegovine i na taj način biti dostupna javnosti.

(5) Konkursna komisija postavlja kandidatima ukupno tri pitanja iz različitih oblasti navedenih u stavu (4) ovog člana.

(6) Svaki član konkursne komisije ocjenjuje sva tri odgovora kandidata dodjelom bodova od 1 do 5. (Prilog 2 Uputstva - Tabela 1). Broj bodova na intervjuu za svakog kandidata predstavlja zbir bodova koje je kandidat dobio od svakog člana Konkursne komisije na intervjuu, podijeljen sa brojem članova konkursne komisije koji su učestvovali na intervjuu. (Prilog 2 Uputstva - Tabela 2).

(7) Po završetku intervjuja vrši se bodovanje kandidata prema sljedećim kriterijima:

a) stručna sprema

Stručna sprema	Broj bodova
Visoka stručna sprema	5
Viša stručna sprema	3

Ukoliko su kandidati pravni stručnjaci sa iskustvom u provedbi izbora i/ili izborni stručnjaci, dodatno se boduju i to:

Dodatno bodovanje	Broj bodova
Naučno zvanje (mr/dr.) iz oblasti prava ili iz oblasti izbora	mr-2 dr-3
Nosioci pravosudnih funkcija	3
Položen pravosudni ispit	2
Prisustvo obukama u organizaciji CIK BiH	1

b) izborna iskustvo

Izborna iskustvo	Broj bodova
1. Predsjednik izborne komisije	4
2. Član izborne komisije	3
3. Sekretar izborne komisije	2
4. Zamjenski član izborne komisije	2
5. Predsjednik biračkog odbora	2
6. Član/zamjenik člana biračkog odbora	1

(8) Konkursna komisija prilikom bodovanja kandidata po osnovu izbornog iskustva, boduje samo jednu (najvišu) dužnost koju je obavljao.

(9) Bodovanje se vrši sabiranjem ukupnog broja bodova po osnovu: stručne spreme, naučnog zvanja i izbornog iskustva i uspjeha postignutog na intervju. (Prilog 3 Uputstva – Tabela 1). Ukupan broj bodova kandidata predstavlja zbir osvojenih bodova iz stava (6) ovog člana i osvojenih bodova iz stava (7).

(10) Konkursna komisija sačinjava rang-listu sa redoslijedom kandidata prema uspjehu (ukupnom broju bodova) (Prilog 3 Uputstva-Tabela 2). Konkursna komisija podnosi pisani izvještaj nadležnom organu o provedenom postupku kvalifikacije kandidata i prijedlog rang-liste.

(11) Nadležni organ, cijeneći položaj kandidata na listi, donosi odluku o imenovanju članova izborne komisije. Ukoliko nadležni organ odstupa od predložene rang liste dužan je u svojoj odluci obrazložiti razloge odstupanja.

**Član 11.**  
**(Mandat izborne komisije)**

(1) Mandat člana izborne komisije traje sedam godina i teče od dana davanja saglasnosti Centralne izborne komisije BiH na odluku o imenovanju člana izborne komisije donesenu od strane nadležnog organa.

(2) U izbornom periodu nadležni organ imenuje zamjenskog člana izborne komisije, bez provođenja postupka izbora propisanog u članu 7, 8, 9 i 10 ovog Uputstva, najkasnije u roku od sedam dana od dana prestanka mandata iz člana 2.15. Izbornog zakona BiH, u skladu sa odredbom člana 2.14 stav (1) Izbornog zakona BiH. Zamjenski član mora ispunjavati propisane opće i posebne uslove, kao i redovni član izborne komisije. Uz odluku o imenovanju zamjenskog člana izborne komisije, nadležni organ dostavlja za imenovanog i dokumente iz člana 13. stav (1) tač. b), c), d), e), f), g) i h) ovog Uputstva.

**POGLAVLJE V. OBUKA**

**Član 12.**  
**(Obavezna obuka)**

(1) U svrhu edukacije članova izbornih komisija, Centralna izborna komisija BiH donosi Plan i program edukacije članova izbornih komisija i organizuje redovne godišnje obuke u skladu sa tim Planom.

(2) Centralna izborna komisija BiH vodi službenu evidenciju o prisustvu članova izbornih komisija obaveznim godišnjim obukama i u tu svrhu izdaje certifikate.

(3) U slučaju da član izborne komisije neopravdano ne prisustvuje na više od 70% obuka organiziranih od strane Centralne izborne komisije BiH, bit će razriješen dužnosti.

**POGLAVLJE VI. SAGLASNOST NA IMENOVANJE I RAZRJEŠENJE**

**Član 13.**  
**(Saglasnost na odluku o imenovanju člana izborne komisije)**

(1) U cilju provođenja postupka davanja saglasnosti na odluku o imenovanju člana izborne komisije od strane Centralne izborne komisije BiH, nadležni organ za imenovanje dostavlja Centralnoj izbornoj komisiji BiH sljedeću dokumentaciju:

a) odluku o imenovanju člana/članova izborne komisije,

b) upitnik o podacima kandidata - imenovanog člana izborne komisije (Prilog 4 Uputstva)

c) dokaz o stručnoj spremi kandidata - imenovanog člana izborne komisije, odnosno ovjerenu diplomu o stečenoj stručnoj spremi,

d) dokaz o izbornom iskustvu kandidata u smislu člana 2. stav (2) tačka a) i b) ovog Uputstva, koji mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost,

- e) dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji Centralne izborne komisija BiH, ukoliko je kandidat dodatno bodovan (član 10. stav (7) ovog Uputstva),
- f) obrazac PBA-3 o prebivalištu imenovanog člana izborne komisije (ne stariji od tri mjeseca, od dana izdavanja od strane nadležnog organa),
- g) izjavu o nacionalnom izjašnjenju kandidata–imenovanog člana izborne komisije sa posljednjeg popisa stanovništva u Bosni i Hercegovini, svojeručno potpisanu i ovjerenu kod nadležnog organa,
- h) izjavu imenovanog člana izborne komisije da nije obuhvaćen odredbama člana 2.3 Izbornog zakona BiH (Prilog 5 Uputstva), svojeručno potpisanu i ovjerenu od strane nadležnog organa i
- i) akte koji se odnose na objavljivanje javnog oglasa i rad konkursne komisije (odluka o raspisivanju javnog oglasa, rješenje o imenovanju konkursne komisije, javni oglas, dokaz o objavljivanju javnog oglasa, zapisnike sa sastanaka konkursne komisije (Zapisnik 1, Zapisnik 2 i Zapisnik 3), izvještaj o izvršenoj klasifikaciji kandidata i rang-listu sa redoslijedom kandidata prema uspjehu (ukupnom broju bodova).
- (2) Centralna izborna komisija BiH daje pisanu saglasnost na odluku o imenovanju i razrješenju članova izborne komisije, ukoliko su ispoštovane procedure iz člana 7, 8, 9, 10 i 13. stav (1) ovog Uputstva, i ukoliko izabrani kandidati ispunjavaju propisane uslove i tu saglasnost dostavlja nadležnom organu, koju ovaj organ dostavlja svim kandidatima koji su učestvovali u postupku imenovanja člana izborne komisije.
- (3) Prilikom davanja suglasnosti iz stava (2) ovog člana, Centralna izborna komisija BiH će u slučaju iz člana 2.3 stav (1) tačka 5. i stava (2) Izbornog zakona BiH, cijeniti da li težina povrede, čini lice nepodobnim da bude imenovan za člana izborne komisije.
- (4) U slučajevima propisanim članom 2.12 stav (6) i članom 2.15 Izbornog zakona BiH, Centralna izborna komisija BiH daje saglasnost na razrješenje člana izborne komisije.

## **POGLAVLJE VII. ZAVRŠNE ODREDBE**

### **Član 14.**

#### **(Propisi obuhvaćeni ovim Uputstvom)**

Ovo Uputstvo obuhvata Uputstvo o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH" broj 67/21) i Uputstvo o izmjenama i dopunama Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", broj 73/21)

### **Član 15.**

#### **(Stupanje na snagu i objava u službenim glasilima)**

Ovaj prečišćeni tekst Uputstva, objavit će se u "Službenom glasniku BiH", "Službenim novinama Federacije BiH", "Službenom glasniku RS", "Službenom glasniku Brčko distrikta BiH" i internet-stranici Centralne izborne komisije BiH [www.izbori.ba](http://www.izbori.ba).

Broj 05-1-02-2-1385-9/21  
23. decembra 2021. godine  
Sarajevo

Zamjenjuje predsjednika  
Član  
Dr. **Suad Arnautović**, s. r.



**Prilog 1: Zapisnik 1 (ZKK-1)**

Zapisnik 1 Konkursne komisije

u predmetu imenovanja člana/članova GIK/OIK \_\_\_\_\_

Konkursna komisija, imenovana Rješenjem/Odlukom broj: \_\_\_\_\_ od \_\_\_\_\_ održala je \_\_\_\_\_ u \_\_\_\_\_ sati u \_\_\_\_\_ sastanak, na kojem je izvršila pregledanje prijava kandidata na Javni oglas za imenovanje člana/članova GIK/OIK \_\_\_\_\_ broj: \_\_\_\_\_ od \_\_\_\_\_ godine.

U propisanom roku na Javni oglas se prijavilo \_\_\_\_\_ kandidata.

Neblagovremenih prijava je \_\_\_\_\_.

Nakon izvršenog pregleda prijava, Konkursna komisija je izvršila klasifikaciju kandidata na one koje ispunjavaju uslove tražene javnim oglasom i na one koji ne ispunjavaju uslove, uz obrazloženje za kandidate koji ne ispunjavaju uslove tražene javnim oglasom.

a) Kandidati koji ispunjavaju uslove tražene javnim oglasom (Tabela 1)

R/b	Ime i prezime kandidata	Potpisana prijava sa listom priloženih dokumenata (član 8. stav (3) Uputstva)	Dokaz o stručnoj spremi (član 12. stav (1) tačka c) Uputstva)	Dokaz o izbornom iskustvu (član 12. stav (1) tačka d) Uputstva)	*Dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji Centralne izborne komisija BiH	Obrazac PBA-3 (član 12. stav (1) tačka e) Uputstva)	Izjava o nacionalnom izjašnjenju (član 12. stav (1) tačka f) Uputstva)	Izjava u vezi člana 2.3 Izbornog zakona BiH (član 12. stav (1) tačka g) Uputstva)

\*Kolona se popunjava, ukoliko je kandidat dodatno bodovan (član 10. stav (7) ovog Uputstva).

b) Kandidati koji ne ispunjavaju uslove tražene javnim oglasom: (Tabela 2)

R/b	Ime i prezime kandidata	Precizan opis razloga zašto se kandidat isključuje iz dalje kvalifikacije uz navođenje odgovarajućeg člana Uputstva

Potpis članova Konkursne komisije:



**Prilog 2: Zapisnik 2 (ZKK-2)**

Zapisnik 2 Konkursne komisije

u predmetu imenovanja člana/članova GIK/OIK \_\_\_\_\_

Konkursna komisija, imenovana Rješenjem/Odlukom broj: \_\_\_\_\_ od \_\_\_\_\_ održala je \_\_\_\_\_ u \_\_\_\_\_ sati u \_\_\_\_\_ sastanak, na kojem je obavljen intervju sa kvalifikovanim kandidatima na Javni oglas za imenovanje člana/članova GIK/OIK \_\_\_\_\_ broj: \_\_\_\_\_ od \_\_\_\_\_ godine i bodovanje kandidata (član 6. Uputstva).  
Intervju se odazvalo \_\_\_\_\_ kandidata. Intervjuu nije pristupilo \_\_\_\_\_ kandidata.  
Kandidati su o datumu i mjestu održavanja intervjuu obaviješteni putem preporučene pošte.

Konkursna komisija je izvršila identifikaciju kandidata uvidom u lični dokument, te pristupila intervjuu sa kandidatima kako slijedi:

Ime i prezime kandidata 1:

Pitanje 1:

Odgovor kandidata:

Pitanje 2:

Odgovor kandidata:

Pitanje 3:

Odgovor kandidata:

Ime i prezime kandidata 2:

Pitanje 1:

Odgovor kandidata:

Pitanje 2:

Odgovor kandidata:

Pitanje 3:

Odgovor kandidata:

I tako redom za sve kandidate koji su pristupili intervjuu.

- a) Za svakog kandidata svaki član Konkursne komisije vodi tabelu koja sadrži sljedeće podatke:  
(Tabela 1)

Oblast	Pitanja	Osvojeni bodovi
Nadležnosti izbornih komisija i biračkih odbora		
Provedba izbora i zaštita izbornog prava		
Planiranje aktivnosti i budžet		
Etički kodeks organa za provedbu izbora		
Poslovnik o radu izborne komisije osnovne izborne jedinice u BiH		
	<b>Zbir osvojenih bodova:</b>	

- b) Ukupan broj bodova za svakog kandidata (zbir bodova koje je kandidat dobio od svakog člana Konkursne komisije na intervjuu, podijeljen sa brojem članova Konkursne komisije koji su učestvovali na intervjuu. (Tabela 2).

Članovi konkursne komisije	Broj bodova (Pitanje 1)	Broj bodova (Pitanje 2)	Broj bodova (Pitanje 3)	Zbir osvojenih bodova
Član 1				
Član 2				
Član 3				
Član 4				
Član 5				
Član 6...				
<b>Ukupan broj bodova:</b>				

Potpis članova Konkursne komisije:

**Prilog 3:** Zapisnik 3 (ZKK-3)

Zapisnik 3 Konkursne komisije

u predmetu imenovanja člana/članova GIK/OIK \_\_\_\_\_

Konkursna komisija, imenovana Rješenjem/Odlukom broj: \_\_\_\_\_ od \_\_\_\_\_ održala je \_\_\_\_\_ u \_\_\_\_\_ sati u \_\_\_\_\_ sastanak, na kojem je obavljeno konačno bodovanje kvalifikovanih kandidata na Javni oglas za imenovanje člana/članova GIK/OIK broj: \_\_\_\_\_ od \_\_\_\_\_ godine i sačinjena rang-lista uspješnih kandidata.

a) Bodovanje kandidata po osnovu: stručne spreme, naučnog zvanja, izbornog iskustva i uspjeha postignutog na intervjuu: (Tabela 1)

R/b	Ime i prezime kandidata	Ukupno bodova po osnovu stručne spreme	Ukupno bodova po osnovu dodatnog bodovanja	Ukupno bodova po osnovu izbornog iskustva	Ukupno bodova postignuto na intervjuu	Ukupno bodova
		1	2	3	4	(zbir 1+2+3+4)
1.						
2.						

Potpis članova Konkursne komisije:

b) Rang-lista uspješnih kandidata: (Tabela 2)

R/b	Ime i prezime kandidata	Nacionalno izjašnjenje kandidata	Ukupan broj osvojenih bodova (Tabela 1)
1.			
2.			

Potpis članova Konkursne komisije:



**Prilog 4:** (Upitnik)

**UPITNIK O PODACIMA  
KANDIDATA-IMENOVANOG ČLANA IZBORNE KOMISIJE**

**OPĆINA/GRAD** \_\_\_\_\_

**PODACI O KANDIDATU-IMENOVANOM ČLANU IZBORNE KOMISIJE**

Ime i prezime: \_\_\_\_\_ JMB: \_\_\_\_\_

Prebivalište: \_\_\_\_\_ L.K.broj: \_\_\_\_\_

Kontakt telefon: \_\_\_\_\_

Nacionalna pripadnost: \_\_\_\_\_

Stepen stručne spreme:      VŠS    VSS      (zaokružiti odgovarajući odgovor)

Zanimanje: \_\_\_\_\_

Trenutno zaposlenje: \_\_\_\_\_

Obavlja poslove: \_\_\_\_\_

Podaci o izbornom iskustvu: \_\_\_\_\_

Dostavljena svojeručno potpisana izjava da kandidat-imenovani član nije obuhvaćen odredbom člana 2.3 Izbornog zakona BiH, ovjerenu od strane nadležnog organa: \_\_\_\_\_  
DA NE (zaokružiti odgovarajući odgovor)

Dostavljena svojeručno potpisana i ovjerena izjava kandidata-imenovanog člana o nacionalnom izjašnjenju sa posljednjeg popisa stanovništva u Bosni i Hercegovini: \_\_\_\_\_  
DA NE (zaokružiti odgovarajući odgovor)

NAPOMENA: \_\_\_\_\_

**M.P.** \_\_\_\_\_

**Ovjerava predsjednik SO/SG/ predsjedavajući OV/GV**







**Prilog 5: (Izjava)**

U skladu sa članom 10. stav (1) tačka h) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini broj:      od      , i člana 173. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), pod punom materijalnom i krivičnom odgovornošću dajem sljedeću:

**IZJAVU**

Ja, \_\_\_\_\_

(Ime, ime oca i prezime)

(JMB)

U smislu odredbe člana 2.3 Izbornog zakona Bosne i Hercegovine, kojim su utvrđene nespojivosti sa članstvom u izbornoj komisiji ili biračkom odboru, izjavljujem da sam (molimo zaokružiti odgovarajući odgovor):

- |   |    |    |
|---|----|----|
| 1. Lice koje se ne može kandidovati u smislu odredbi članova 1.6, 1.7 i 1.7a ovog Zakona;   | DA | NE |
| 2. Lice koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);                | DA | NE |
| 3. Lice koje je nosilac izabranog mandata ili je član izvršnog organa vlasti;   | DA | NE |
| 3a. Lice koje je predviđeno članom 2.12 stav (4) ovog Zakona;   | DA | NE |
| 4. Lice koje je kandidat za izbore za bilo koji nivo vlasti;  | DA | NE |
| 5. Lice kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke. | DA | NE |

Izjavu dao:

\_\_\_\_\_  
(Mjesto, datum)

\_\_\_\_\_  
Broj

L.K: \_\_\_\_\_

Izdata od: \_\_\_\_\_

Izjava se svojeručno potpisuje i ovjerava kod nadležnog organa.

Centralna izborna komisija Bosne i Hercegovine

Pretplatnici imaju dodatne pogodnosti. Ukoliko ste već pretplatnik, prijavite se! Ukoliko niste pretplatnik, registrirajte se!

[Prijava](#)

[Registracija](#)

## O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014

## Adresa

Džemala Bijedića 39/III  
71000 Sarajevo  
Bosna i Hercegovina  
Email: [slist@slist.ba](mailto:slist@slist.ba)

## Kontakti

### Centrala

Tel: 033/722-030 [Email](#)

### Uredništvo

Tel: 033/722-038 [Email](#)

### Pravna služba

Tel: 033/722-051 [Email](#)

### Računovodstvo

Tel: 033/722-045, Fax: 033/722-046 [Email](#)

### Pretplata

Tel: 033/722-054 [Email](#)

### Ekspedit

Tel: 033/722-041 [Email](#)

### Prodaja

Tel: 033/722-079 [Email](#)

### Oglasni odjel

Tel: 033/722-049 i 033/722-050, Fax: 033/722-074 [Email](#)

### Tehnički sekretar

Tel: 033/722-061, Fax: 033/722-064

### Ured direktora

Tel: 033/722-061

### Komercijala

Tel: 033/722-042

2014 © JP NIO Službeni list Bosne i Hercegovine. Sva Prava Pridržana.

